

جزيرة الحب

علوي الباشا بن زبع

جزيرة الحب

يادار وين معزب الناس يا دار

يادار معموره باهلها قدرها

تدفن شيوخ كبار وتشيوخ كبار

تكبر مصاييها وجا من جبرها

يادار وين اللي خدم كل الأقطار

ماديرة الا والسنافي عمرها

وين العظيم اللي بنى مجد ما صار

ساق المراحل لين وقف وترها

في السلم سلطان وفي الحرب مغوار

جزيرة الحب الكبير ونهرها

اعزيك يادار في خير مدار

والا اعزي نفسي اللي غمرها

لولاي مؤمن بالحقيقة والأقدار

ما كنت أصدقها... تبدل خبرها

لا هنت يا سلطان في دار الأبرار

امان يادار بجوده عمرها

صديق العود

طوا منا سكون الليل جنحه والعباد رقود

الا ياشيب عيني يوم قفتني مراحليله

مشى حتى ولا ودع بلا نابي ولا منقود

حداه الصبح واستسلمت له من قلة الحيله

الا ياهل علمي كيف حالك يا صديق العود

علينا عزت اخباره ولا تذكر مراسيله

سكون الليل لك وحشه الا ليت الحبيب يعود

وريت ان الزمن يرجع صباحه يحتضن ليله

سكون الليل سلطان الجزيرة والعطا المشهود
رحمك الله يا سلطان كل الناس تدعيه

سقا الله دار بدو تجود للضيفان بالموجود
فلا جا الضيف كلن فز له وادا معاميله
هل الطرعات لاحط الحياج وله وفود وفود
مدهقة المحاجي من يخلي الحد ماشي له
رعوا دون الحلاه ومن مشينيقه يجوك ورود
الا يا الله على الريان لو دنت مخايله
يخلي الشقة الفيحا حديقة من زهر ونفود
من الريان لي عشرين عام وودي انحي له

انا بدوي ومرجع في قبائل ماعليهم زود
من الجدعان والداعي بكييل توفي الكيله
من الحد المشرق الى علا الفرضة شوامخ سود
ظهرنا نهم نكفتنا تدق الظلم وتزيله
ومن علوا جهم صبة فليح زيدة المضهود
ومن حدرا دهم ذي تكسر الغاوي وتغزي له
وحدثنا العبيدي والشريف ومن مراد الجود
وطهيفي والعواض وفي حريب اقبال من قبيله

بقومك غرمها والجرم شد حزامك المشدود
ولو شب النكف تبشر يسقوا الشعب من سيله
وفي عيب الصليح العود والا له نقا المعمود
ونحمى من لجأ في دارنا من جاه ياييله
نساعد من نسانا لوقضانا في الجميل جحود
على سلف الشهامة في العرب ننسى ونديله
وفي حق الصحب نوقف مع الصاحب بدون حدود
لان الجود كايد ماتقع في المرجله حيله

ولو قد صاح صايح جاته الفزعه مع المجهود
على غيرالمعاصي عدنا للحمل ونشيله
ولا احنا من دعا الشر ذي تسبا لها مقصود
قليل الخيرماهو صاحبي يرحم مقاتيله
تعلمنا من الشيبان نصبر والحيا محمود
ولو حد قل عقله ما نجزعها نروي له
خلقنا بدو من اصل العرب سنه واصول زيود
نقف في صف من حب اليمن والجيل من جيله

نار على علم

استودع الله في نجد احبتنا

اهل الجميل واهل الجود والكرم

قوم مرؤتهم غطت فضائلهم

لولا المروثة ما سادوا من القدم

هم اعدل الناس من عرب ومن عجم

آل سعود هم حماة البيت والحرم

ولنا في القوم ظل نستظل به

في ساعة الخير والا ساعة العدم

احمد اذا قامت الدنيا وان قعدت

فاسال عن احمد .. لا تسأل عن الهمم

شهماً كريم وفارس ورع

شيخ المروءة.. شيخ الجود والكرم

انعم مساءً ابا عبدالعزيز وهل

اوصف اشهر من نار على علم

□□□□□

الله معك

الله معك يحفظ شروقك والغروب

من حيث ما حليت كان الله معك

الله معك وترافقك كل القلوب

يا بختها .. تستقبلك وتودعك

الله معك يحمى شمالك والجنوب

واللي وراك يسد..والله يرفعك
ما اعظمك في طبيتك طيبة فقير
وهيبتك ياسيدي هيبة ملك
ماروعك مملوك للشيخ الكبير
امرہ مطاع وانت اخرک اولک

□□□□□

سلام

نامت العين ولا جعلها ماتنام
قالها شاعراً يامي وقلت بعدي
اشهد انك على جرحي طرحت البهام
قلت ذي كنت افكرفيه يالاجود
والله ان المفارق صاحبه ما يلام
من فراقه كرهت النوم في مرقي
ساري الليل في صحراء وخوف وضلام
يا الله استر على بدوي وحظه ردي

كلما شاف زول يفز.. تاك الخيام
وكلما لاح نجم.. يقول ذاك الجدي
اتنشد عليهم عام من بعد عام
عزت اخبارهم " يا خال " يا مسندي
سلمولي علي اهله يالحبايب سلام
وان لقيتو حبيبي ذكروا سيدي !!

xxxxxx

فزعة وخوة

لاهننت تعلا ياسليل المروة

سلامات ياوجه المراجل سلامات

بنينا على العليا صحبنا بقوة

وياالله عسى سود الليالي مسرات

علاقة وفا ماهي علاقة فتوة

وصحبة غلاماهي لاجل الجمالات

نعدك صديق الصدق فزعة وخوة

وتفرح بنا يابوعلي في المهمات

xxxxxx

بلاط الحب

تغيب عن عيني ولا غبت مني

عميت عن العالم ومنك ملانه

بردك دفأ والامك تشيل عني

وشوفك يرد العمر لول زمانه

افديك بايامي وشعري وفني

يا حب مالي في بلاطك مكانه

xxxxxx

كيف كنا

ياليل كيف احباب قلبي في الشام

ما عاد جا منهم ولا عاد منا

ياليل ما بين المحبين ملتام

فرقى حبايينا يجي غصب عنا

الله يسعد لي مساتك ليام

ايام مرت بعدها ما تمنا

انشد عليهم عام واوقب لهم عام

ياقسوة الدنيا وياكيف كنا

تخيل

تخيل نسيتك

تخيل حبيبي

وانا كنت فاكرك حظي ونصيبي

تخيل نسيتك

وايام زمان

وايام كنت سفير الحنان وشيخ الامان

تخيل حبيبي

تخيل

نسينا الوعود

نسينا الهوى والصفاء وحتى الوفاء

تخيل نسيت الوفاء

وتاك اللطافة تعود جفاً

انا اعتذر لك وارجع واقولك

انا ممش انا .. أنا لم اعد يا حبيبي انا !!

فيس قات

بيان رقم اثنان

من قبله وبعده بيان

توكلت كرمان واصدرت فرمان

على طريقة الملوك والاباطرة

* * *

في لحظة ثورية مظفرة

قالت انا "الملك" انا "الزعيم"

انا " قائد" الثورة والساحات انا "شيخة" الزيود
والاشاعره

* * *

شكلت المجلس الرئاسي الجديد

وعينت وعزلت وقربت واستبعدت وازيدت وارعدت
من هول ماتكلمت

وقررت مصيرنا من دون اخذ راينا ما احقره

* * *

في ساحة التغيير وثورة الشباب
لاصوت يعلو فوق صوت الحرية
الفييس بوك والفييس قات وسائل اتصال
والبنندقية والرصاص وسيلة الدفاع
وسيرحل الرئيس لكنه يحتاج للرحيل
عقلية ثورية قوية عادلة محررة

#####

نور عيني

مرحيب ياحب يتجدد مع المدة

ياباهي الخد حبي الاول التالي

ياقرة العين ذي ماتعرف الصده

واغلى من الروح يفدا وجهك الغالي

ياشوق مانسك في الصده وفي الرده

ما انسك والله يالغالي عل بالي

انا اسير الوفاً في الخير والشده

وانا الامين الذي مايغضب الوالي

اجيك يانور عيني رد من جده

من دار اخو نوره اللي يمنع التالي

#####

احلى اوقاتى

عيد مبارك قلى اشلونك

ياغلى من عمري وحياتى

اشوف الدنيا بعيونك

ذاتى ساكن كنك روى

واتخيل فى رموشك جفونك

اوقاتى احلى اسكن

الدنيا ماتسوا بدونك

ياحبى الماضى الاى

ما اروع طبيبك وجنونك

وما اجمال خوفي وصلاتي!!

□□□□□

اجيك الساع

لا تحسب اني يوم غيبت ناسيك

لا والله انك مثل ماكنت غالي

اجيك ! لو تامرني الساع لاجيك

تدلل ! عسى لاشفت ضيم الليالي

أنا ياوجودي كل ما مر طارقك

وياطول صبري عنك ياوجد حالي!!

xxxxxx

الصدقة

ان ذكرني صاحبي حيا نباه

ما يضيع الجمل عند اهل الجميل

وان تناساني فاحتفظ به من غلاه

صاحبي مالي في الصاحب بديل

الصدقة كنز والباقي فداه

والجمايل دين في عرف الطويل

❖❖❖❖❖

هيبه

وحشتونا حباينا

تمرسنين بعد سنين

وانا مدري حبيبي واين

نغيب وطالت الغيبه

ونرجع والفرق يعود

واحس لجيتك هيبه

واحس ان العباد شهود

اشوفك باقي احلامي

واذكر احلى ايامي

حبيبي آه لوتدري

طوينا العمرمن بدري

ولا انساك ياعمري

لوانسى جميع الناس

اتذكر صدى صوتك

ملامح قامتك واحلى

وتاك النظرة الخجلى

انا انساك لا والله ما اقدر

حشى لله ما انسى!!

□□□□□

معقول

اجمل ليالي العمر شوفة محياك

الله ما اصعب غيبتك يومها هود

يا طيباً طابت لياليك ما اغلاك

وحشتنا يا ريتك ترد وتعود

وينك سالنا عنك ما عاد شفناك

معقول ماتسال علي وانت موجود

محنا علينا الله ماكان ننسك

انسك كيف انسك ياكاسب الجود

xxxxxx

يطول عمرك

اسعد مساسيدي ياجعل عمره يدوم

شيخ المراحل وعاملها وبتالها

كبيرنا ذي يغطي في دفاع وهجوم

واحنا اذا غاب غطيناه واحنا لها

ناجي ومن غير ناجي في المخوة عموم

الطف من العافية واقوى من جبالها

اجيك والعيد عندك لو بقينا سلوم

يطول عمرك ويحفظنا من احوالها

الوصايا

يقولون الوصايا ماتجيب الببل اذا وصيت

وانا اقول الرسول الجيد يلقاها ويديها

اذا عندك صديق يقول لك لبيه لو ناديت

ولو وصيت قال أبشر تجي لو رحتنا فيها

فلا رسلت مثله فاعتبرهاجت ولو ماجيت

ولو ودعت " حر " اياك تنشد من تواليها

طباع الناس كلن وده ان عنده مكان وصيت

ولكن المراحل كايدة معروف راعيها

قوي الباس تعرف فزعته ماخسرالتوقيت
يجيلك فاول الغارة يوصلها ويحييها
يقف في جانبك حتى ولو سويت ماسويت
ولو جات الحمول الكايدة ينقل علاويها
انا مانا بابو الجودة ولكني من اكرم بيت
ابوي الباشه اللي سمعته ماحد يغطيها
تنوخ عنده الجودة وتصبح عندنا وتبيت
وترعا في حمى الجدعان قاصيها ودانيها

على عين الحسود اللي فلا قصرمعي وفيت
وبعد اذن الرفيق الي يكحلها ويعميها

xxxxxx

جريح الهوى

شوقي يسافر بي على غير ميعاد

وخوفي يعود بي على غير عادة

وقلبي يحلق بي على رروس الشهاد

وعقلي يذكرني التاني عبادة

زرعت المحبة بين واشي وحساد

و صدري لكل امراض ربعي عيادة

اسير الوفاً ماني بناسي وجحاد

وجريح الهوى عذبت نفسي زيادة !!

السماء مرفوع

يقول أبوطارق ان الجيد ما يخضع

الا لمولى الجلاله و السماء مرفوع

ما شي يقع جيد لا يشفع ولا ينفع

الجيد من يخلق الجوده من الممنوع

ما أروع الجود والجوده تكون أروع

من ذي يداوي مرض غيره وهو موجوع!

الوقت لوزان لك يا صاح لاتطمع

وان شان لوشي عزيمة باترده طوع

من ربه اجواد بايفزع وبايقرع

سيد قراره ولا قدهو لحد مطبوع

يامركب الميل من منزل الى مطلع

جارت عليك الحمولة والغلط مرجوع

يكفيك خيره عليك اتصدق المرجع

من قبل تدي الغرامة والخطا مربوع

□□□□□

طالت الرحلة

كلما كلمت ما الاقي جديد

وكلما ناديت ما عينت احد

وان بغيت آوي الى ركن شديد

ضاعت اركان الصداقة والبلد

انهدم حيلي وانا قاسي عنيد

طالت الرحلة على راعي جهد

ياصدى صوته يجيني من بعيد

مانسيتك يا بعد عمري أبد

اعتذر لك بس عذري مايفيد

انتظر واوعدك بالنابي وعد

xxxxxx

راحو لجاويد

العيد هل وقاعنا ما بها عيد

من شين حظ القاع ما اكثر غناها

ان جيت اقضيها بروز ومواعيد

وان غبت اشوف الدارمكبر غلاها

يادارنا اللي منك راحو لجاويد

ورؤسهم عليا تناطح سماها

اهل الخيول الشقرواهل المواقيد

ضيو فهم تمسي تنني عشاها

ان ادبرت دنياه فيطيب ويزيد

وان اقبلت ماهمته ما بغاها

راحوا وخلوها الوجيه المساعيد

وجينا وراهم يا الله اسعد مساها

□□□□□

وضح النقاء

يمون الحب وتمون الموده

في السبع السمان وفي العجافي

اذا ما صارلك صاحب تعده

فلا يخفى على المحبوب خافي

وصديق الصدق ما يحتاج شده

ولا يعتب على الصاحب سنافي

يرد الشوف ولا ما يرده

على وضح النقاء مرجل وحافي

بنينا في الصحب قامة ومدة

ونصمد واخرالحرب العوافي!!

aaaaaa

الحل السليم

يعتريني الشوق.. للحب القديم

ابعدوا مني.. ولا بعد السما!

ضاعت اخبار الغلا.. الله كريم

يعلم الله واين بين امة لما !!

يامدورلي على الحل السليم

!!! ما سراب القیظ یقطع لك ضما

احتفل بالجرح من ماضي عظيم

ما ينسينيه.. بحر من الدما!!!!

#####

اخبار الحبيب

خلها على الباري وقل ياالله وهي باتنجلي

مهما سرى الساري فهي بيده خيرالله قريب

عنده وهو داري ولا غيره بها يتكفلي

لوماخلق شاري ولاشغال حصل له نصيب

تنشدعن اخباري انافي خيرمن فضل الولي

وخطك الناري اذااحتجته يغطي مايخيب

ياملهم اشعاري مساء الخير يا الغالي علي

يحفظكم الباري واش اخبارك وانا يالحبيب!!

غابت الدنيا

ياالمغيب وين دارك

يابعد كل العشيرة

والحبايب والقرايب

وهذي الدنيا الحقيرة

انت وينك وايش جراك

كنت مالي هذي الدنيا علينا

وغبت عنا وغابت الدنيا سنين

آيه لو تدري الحقيقة من وراء ذلك الغياب

صارت الدنيا عذاب والفسيحة كنها قفرة خراب

بس والله ما نسيك في حضورك او غيابك

وحشتك

والله كبيرة

مرحب الصوت

لي وطن

ياأمة العرب

تاريخه كبير

ووضعه خطير

يحكمه مشير

وعنده وزير

وحوله سفير

يصارعوا طاحونة الهواء

وينظروا لفرعة السماء

ويجهلون انها لاتمطر الذهب

لي وطن..
ياأمة العرب
يقتله السلاح
يسرقه الكفاح
تخنقه مجموعة من الأسر
تقتله بكل كبرياء
تدوسه باخرالحذاء
ويطلبون منه ان يدفع الثمن

لي وطن..
يا أمة العرب
واسمه اليمن
يشرف على الهلاك
ويدعي نمروده بانه الملاك
قد تسمعون ذات يوم بانه اعتجن
وهرب السفير وقتل الوزير وغادر الرئيس الى
عدن!!

مرحب الصوت

واين انت يا اللي ما تغبا علومك

وأيش بك٠٠رقومك ساكته سكتت الموت

ان رحت فالله يحفظك في قدومك

وان جيت ف"ارحب مرحبا مرحب الصوت

"مرابع الشوق"

ذه دارسلى جزاها الحب والطيبه

مراىع الشوق كنت امشى لهاحافى

جارت علىها السنن وقلت الهىبه

من يوم شدواهلها بالله ياكافى

تعوى ذىاب الخلاءفىها من الرىبه

ماكن احد حل فىهاخطها عافى

شد الحىب وعدتنا مراكىبه

والفىت وانهاتهبى فوقهاالسافى

يارجم لحاب واين مطول الغيبه

اسألك بالله شي عندك خبرشافي

واين انت يالي تشل العلم وتجييه

بشرعسى صاحبي في خيرمتعافي!!

" مطر "

اتصل بي قال لي الديرة مطر

انقلب وجه المراعي وازهرت

أسفرت بعد العجاج ونورت

رحمة الله ضافية٠٠والحمدلله

وانتظر٠٠وده يبلغني خبر!

قلت له هون عليك ولا تكمل
رحمة الله ما تغيب وفزعته دايم قريب
مالنا غيره اذا سارت ظلام
وعاثوا السفهان وعيال الحرام
وخلوا الديرة مطية للسفير وللحقير
أبشر أبشر •• لا تخاف الله معك
ما يموت الخير في قلوب البشر!!

"الطيب مكسب "

ياالله سامحنا من الذنب كله
مالي سواك ارجيه وادعيه ويجيب

انت الكريم اللي البشرحت ظله
وانا الفقير اللي بلته العذاريب

ياعبيد تل الجيب ياعبيد تله
نبا ديار معوجين المراكيب

في ديرة الجدعان زين المقله
اهل الدلال السودواهل المواجيب

عندالعرب للضيف عشرين زله
والجارله سبعين عندالمعازيب

والجيدالى اخطأغلطته ماتذله
الخيلى تعترفى قوى المصاليب

والطيب مكسب واطرحه فى محله
والصبر حكمه والليالى تجاريب

حب وغصايب

على دار الحبيب أول زماني

اوقف موتري حب وغصايب

اضم ترابها واحضن هواها

واعدنها من السبع العجايب

الا ياالله تعز الدار باهله

ونرجع مثل ماكنا حبايب

حبيبي وين ماقلت ضعونك

يحل الخير وتهون المصايب

اشوف الخوف من دونك أمان

واسوق الموت قدام

الركايب

وطرز في جبين الدهر قصة

هوانا يابعد كل القرايب

خواطر بدوي 1

كل ماقلت زانت وامطرت وازهرت
عج فيها غبار الشر وانها ظلام
ياصباح المحبة وأسفرت وأنورت
يسعد الله يوم أهل الوفاء والسلام

خط احمر

سنظل ننفخ .. في الرماد..

وفي البراكين الشداد

سنظل نصرخ في كل واد

في كل أحرار وأصفار البلاد

وفي دعاة الله وقطاع الطرق

والواقفين على الثغور أو الحيات

الجيش خط أحمر.. لا تسقطوه
إن تسقطوه .. فقد قتلتم..
كل طفل وكل شيخ وامرأة
وقتلتم حلم الشباب
وكتبتم يمناً بخط أسود
لاتفعلوا.. لاتفعلوا..
إن تفعلوا فلتسقطون خيامكم
ولتنصبوا خيم الحداد

يامسافر

يابعد كل الحبايب والقرايب

وين دارك..

كم عليك سنين غايب

خاف ربك

خلني اسمع صدى صوتك

واهاجر

ناس وناس

ناس على وضح النقا تدفع الباس

ويموت ما يحني من الذل هامة

وناس تقول وحوش من قوة الراس

وهم فلا اشتدت دعاة السلامة!!

خواطر بدوي 2

صباح السلام اللي يغطي عجاج الموت
إذا حد سمع صوت المنادي فحيا
الله
وياذي معك تسعة وتسعين نعمة كوت
تكفيك لا تسقط على النار والدلة

باقى الروح

عطني بقايا جروح ياباقى الروح

انقذ حياة اللبي بيدك علاجه

تاخذ وفا واخلاص واخلاق وطموح

وفزعة سنافي مايوطئ حجابيه

يانور عيني لك في المهجر مصلوح

مانا ترى مالي في الموت حاجة

مالها الا انت

إبييه ياليل ساكن بددته الشموع

من سكونك اقيس العمر بالمسطرة

يالله انك رجانا في سجود وركوع

مالها الا انت... غيرك فزعته مسخرة

المراحل طويله

ردي لهم يالجمال الشامخة ردي

عاد المراحل طويله تتعب الشادي

مرابع الشوق

ذه دار سلمى جزاها الحب والطيبة

مربع الشوق كنت امشي لها حافي

جارت عليها السنين وقلت الهييه

من يوم شدوا اهلها ياالله ياكافي

تعوي ذياب الخلا فيها من الريبة

ماكن احد حل فيها خطها عافي

شد الحبيب وعدتنا مراكيبه

والفيت وانها تهبي فوقها السافي

يارجم لحاب وين مطول الغيبه

اسالك بالله شي عندك خبر شافي

خواطر 3

دنيا دنية تخلط افراح باتراح

والموت وافد مايبي له

عزومة

كلنا ضيوف الله وخوف الله سلاح

رحماك ياللي مالخيرك

حكومة

عذابات الضمير

اكتبي عني "عذابات الضمير"

وقبل تبدي سطرحتي
البسمله

ولا تقولي كان شيخ وكان أمير

اكتبي.. من جيز كل القبيله

عاش في قرية وهو جاهل صغير

كل حاجاته.. تجيه مسهله

عيش بدوي لا غني ولا فقير

لا "نعيم" ولا "حياة مبهذه"

عندنا في القوم كلن له كبير

من غلط منهم يقوم يعدله

هيبه الشيبه لها تأثير غير

منزله في اعلى شموخ المنزله

وعندنا في البدوا لوشارالمشير

ما يعدوا ١٠٠ الا براعي لوله

وللضعيف وللغريب وللقطير

ان كبر والا صغر لا تجهله

في القبيله لا وزير ولا غير

العرب متساوية في المسأله

يمدحون الجيد ويذموا الحقيير

والمكانه ١٠٠ تحتسب بالمرجله

اكتبى يابنت...عائنا كثير

بين نار القبيله.. والديوله

ان تغيينا تجي الزرعة شعير

وان حضرنا..مكنوها زنبله

يا صباح الخير يا وجه العبير

يا سحابة شوق غيث محمله

أمرك الوحدة وتقرير المصير

يا جميل الروح فكه وازهله

فهرس

	مقدمة
	اهداء
11	جزيرة الحب
13	صديق العود
19	نار على علم
21	الله معك
23	سلام
25	فزعة واخوه
26	بلاط الحب
27	كيف كنا
28	تخيل
30	فيس قات
33	نور عيني
34	احلى اوقاتي
35	اجيك الساع

37	هيبه
40	معقول
41	يطول عمرك
42	الوصايا
45	جريح الهوى
46	السماء مرفوع
48	طالت الرحلة
49	راحو لجاويد
51	وضع النقاء
52	الحل السليم
53	اخبار الحبيب
54	غابت الدنيا.....
56	مرحب الصوت.....
60	مربع الشوق.....
62	مطر.....
64	الطيب مكسب.....

66	حب و غصايب.....
----	-----------------